



UNIVERSITÄTS-
BIBLIOTHEK
PADERBORN

**Scientia Salvts, Sive Considerationes Piæ, Præcipuam
Spiritualis Vitæ Materiam complectens**

Laberhittel, Samuel

Ingolstadii, 1660

71. Feria 2. Christus denuo patitur.

[urn:nbn:de:hbz:466:1-59837](https://nbn-resolving.org/urn:nbn:de:hbz:466:1-59837)

Dominica Quinquages. 113

esse amorē suum infinitum, qui est ipsiusmet:
Passio, propter cuius septenam divisionem
denuo sequentes ei septimanas consecrabo.

Conf. 3. Quomodo adhuc hodie in SS.
Eucharistia Passionis suæ memoriam pera-
gat, ut ait D. Valerianus: *Discite ergo ex hoc
Deum diligere, qui se quotidie cælesti imperio
Sanguinis sui effusione commendat.* Alloquar
me, an credam, quòd illic sit D. Deus, Deo,
per Deum oblatus, gustu infinito, infinita re-
verentiâ, infinitæ satisfactionis, & gloriæ? An
non sim ego, qui eum ore & pectore absu-
mo? an non in me consumatur oblatio, qua
non est possibilis major? ubi ergo reveren-
tia, laus, gratiarum actio?

MEDITATIO LXXI.

Feria 2. Dom. Quinquages.

Christus denno patitur.

Videbo Christi D. vultum à duabus spinis
per laicos, & nodosioribus fustibus à
Clero, immaniter usque ad pupillarum læ-
sionem vulneratum: quia, quantum in ijs
est, regnantis in cælo intuitum non verentur
dehonestare: ita vidit D. Gertr. l. 4. c. 15.
Cum gratius sic in majori afflictione auxiliū,
& nunquam major cordi Christi sic afflictio,
quàm horum dierum abusus, petam modū
impediendi afflictiones Christi.

Conf.

Conf. 1. Mala primi generis, quibus modò Dominus affligitur, esse corda humana magis nunc implicata terrenis, carnalibus, per versaque voluntatis delectationibus. Contra quæ offeram Deo Patri exercitium SS. cordis Christi, quod nunquã in terris pro salute nostra in amore, desiderio, actione, laude fuit lassatum, pro emundatione lapsuum cordis, & præsertim dicendo unum *Pater noster*, &c. vel: *Laudate Dominum omnes gentes*. Ita suavit Dominus S. Gertrud. l. 4 c. 15.

Conf. 2. Mala secundi generis, quibus modò replentur omnia, esse linguæ, & oris, verborum inutilium & noctivorum, ebrietas, & gulæ. Offeram Patri omne exercitium Innocentissimi oris Christi, cum temperantia, & abstinentia tam ciborum, quàm verborum, in prædicatione & oratione continuus, quibus pro salute nostra insudavit: in emendatione lapsuum oris, & linguæ, dicendo ut supra.

Conf. 3. Mala tertij generis offendentium Deum moribus omnium membrorum contra legem Dei & salutem propriam, & aliorum. Offeram Deo Patri omne exercitium SS. Corporis Christi, cum omnibus motibus singulorum membrorum, totaque serie perfectissimæ conversationis, cum omni amaritudine innocentissimæ Passionis & mortis, quam subiit propter nos, in emendationem

omni. ♦

Feria 3. Dom. Quinquag. 115

omnium illorum lapsuum, & præservationē. Offeram præterea à manè usque ad meridiē omnia Sacrificia, quibus Deus laudatur, & quæ Deo debentur, & omnes actus Christi, quos pro nobis subivit ab initio suæ subjectionis usque in finem. A meridie usque ad vesperum, imò usque ad manè, pro tota nocte, quæ sub potestatibus est tenebrarū, Passionem Christi, ea spe, quòd sicut per Christū Majestatem Dei laudant Angeli, &c. sic ego per eundem reddam Deum nobis propitiū.

MEDITATIO LXXII.

Feria 3. Dom. Quinquag.

Christus denuo crucifigitur.

Aspiciam D. JESVM recenter crucifixum. Petam pleniorē hujus malitiæ cognitionem, & detestationem.

Conf. 1. Inopinatum novæ crucifixionis Domini spectaculum patratum ab iis, quorū *Deus venter est.* Phil. 3. Sicut enim Aaronica sacrificia, & victimæ toties offerri debebant, quoties peccabant Judæi: sic Christus D toties deberet mori, quoties contra Deum peccatur, nisi tanti valoris esset mors Christi, quæ se ad omnia omnino peccata extenderet interea tamen, qui in peccata relabitur, Christum denuo crucifigit: quia quantum est in se, novo peccato novam dat causam crucis, & mor-